

ক্ষুদ্র কৃষক উন্নয়ন ফাউন্ডেশন (এসএফডিএফ)-এর কর্মচারীদের 'ঝুঁকি তহবিল' থেকে ঋণ গ্রহণ সংক্রান্ত নীতিমালা-২০১৮

শিরোনামঃ এ নীতিমালা ক্ষুদ্র কৃষক উন্নয়ন ফাউন্ডেশন (এসএফডিএফ) এর কর্মচারীদের 'ঝুঁকি তহবিল' থেকে ঋণ গ্রহণ নীতিমালা-২০১৮ হিসেবে অভিহিত হবে।

সংজ্ঞাঃ 'কর্মচারী' বলতে ফাউন্ডেশন এবং ফাউন্ডেশন কর্তৃক বাস্তবায়নাধীন প্রকল্পের যে কোন কর্মকর্তা ও কর্মচারীকে বুঝাবে।

- ০১। এই ঋণের তহবিল সীমা হবে প্রাথমিক পর্যায়ে সর্বোচ্চ ৫০,০০,০০০/- (পঞ্চাশ) লক্ষ টাকা।
- ০২। ফাউন্ডেশনে ন্যূনতম দু' (০২) বছর পর্যন্ত সন্তোষজনকভাবে চাকুরী করলে তিনি এই ঋণ পাওয়ার যোগ্যতা অর্জন করবেন। চাকুরী স্থায়ী করা হয়নি এবং কর্মচারীর বিরুদ্ধে আর্থিক অনিয়ম-দুর্নীতি এবং বিভাগীয় ব্যবস্থা চলমান থাকলে ঋণ পাবার যোগ্য হবেন না। এ ছাড়া মাঠ পর্যায়ের কর্মচারীর ক্ষেত্রে ব্যক্তিগত দায় বেশি থাকলে আবেদন বিবেচনা করা হবে না।
- ০৩। জ্যেষ্ঠতা, কর্ম-মূল্যায়ন এবং আবেদনের তারিখ ও বিশেষ মানবিক প্রয়োজনীয়তার ভিত্তিতে ঋণ গ্রহীতা কর্মচারী নির্বাচন করা হবে।
- ০৪। ঋণ গ্রহণকারী কর্মচারীর মাসিক বেতন থেকে মাসিকভিত্তিতে ঋণের কিস্তি আদায় করা হবে।
- ০৫। ঋণ গ্রহণকারী কর্মচারী চাকুরী পরিত্যাগ করলে, অপসারণ/বরখাস্ত করা হলে ঋণের বকেয়া টাকা তাৎক্ষণিক পরিশোধ করতে হবে অথবা চাকুরীগত আর্থিক সুবিধা থেকে কর্তন করে সমন্বয় করা হবে অথবা দেশের প্রচলিত আইন অনুযায়ী পাওনা টাকা আদায় করা যাবে।
- ০৬। ঋণ পরিশোধের সময়সীমা হবে ০১ (এক) বছর। ১২টি সমান কিস্তিতে ফ্লাট রেটে সার্ভিসচার্জসহ এই ঋণ পরিশোধ করা যাবে। ঋণ গ্রহীতা কর্মচারী সর্বোচ্চ ১৩-২৪ কিস্তির মধ্যেও এই ঋণ পরিশোধ করতে পারবেন। তবে ১৩ মাস থেকে ২৪ মাসের ক্ষেত্রে সমানুপাতিক হারে ফ্লাট সার্ভিসচার্জের পরিমাণও বৃদ্ধি পাবে।
- ০৭। এই ঋণের সার্ভিসচার্জের হার হবে বার্ষিক ১১% ফ্লাট রেটে।
- ০৮। সাধারণতঃ চিকিৎসা, ছেলে-মেয়েদের লেখা-পড়া, বিবাহ, বাড়ি নির্মাণ/মেরামত, গৃহের অত্যাাবশ্যকীয় আসবাবপত্র ক্রয় ও জরুরি প্রয়োজনে এই ঋণ প্রদান করা হবে।
- ০৯। একজন কর্মচারী চাকুরী জীবনে সর্বোচ্চ ০৩ (তিন) বার এই ঋণ সুবিধা গ্রহণ করতে পারবেন।
- ১০। পদমর্যাদা ও চাকুরীর কর্মকালেরভিত্তিতে নিম্নরূপভাবে ঋণ সীমা নির্ধারিত হবেঃ-

পদবী	সর্বোচ্চ ঋণ সীমা	মন্তব্য
(ক) এসইউএম/ব্যবস্থাপক-সমপর্যায় এবং তদুর্ধ্ব	২,০০,০০০/- টাকা	যে সকল কর্মচারীর চাকুরী কাল ০৫ বছর তীরা এই ঋণের সর্বোচ্চ সীমার ৫০%, যে সকল কর্মচারীর চাকুরী কাল ০৫ বছর থেকে ১০ বছর তীরা ৭০% এবং ১০ বছর উর্ধ্ব চাকুরীজীবী কর্মচারীগণ ১০০% ঋণ প্রাপ্য হবেন।
(খ) ইউএম/এএম-সমপর্যায়	১,৫০,০০০/- টাকা	
(গ) পিও এবং সিও/এসএফও-সমপর্যায়	১,২০,০০০/- টাকা	
(ঘ) অন্যান্য কর্মচারী	১,০০,০০০/- টাকা	

- ১১। ঋণ গ্রহণেচ্ছু কর্মচারীদেরকে নির্ধারিত আবেদনপত্রে আবেদন করতে হবে।
- ১২। ব্যবস্থাপনা পরিচালক কর্তৃক গঠিত একটি কমিটি ঋণের আবেদন বাছাই ও ঋণ প্রদানে সুপারিশ করবে।
- ১৩। এতদসংক্রান্ত গাইড লাইনে যাই থাকুক না কেনো ফাউন্ডেশন কর্তৃপক্ষ এ সংক্রান্ত যে কোন বিষয়ে চূড়ান্ত সিদ্ধান্ত গ্রহণ করতে পারবে।

  
(এ এইচ এম আবদুল্লাহ)  
ব্যবস্থাপনা পরিচালক